

Jenis Akhbar : Kosmo  
Tarikh : 07/03/2017  
Edisi / Muka Surat : Nasional / 51

## Angkasa lancar portal e-Dagang Shopeeera bulan depan

*Kosmo (M/S 51)  
07/03/2017*



MUTHADO (dua dari kiri) bertukar dokumen perjanjian dengan Daniel (dua dari kanan) di Wisma Ungku Aziz, Petaling Jaya semalam.

PETALING JAYA - Angkatan Koperasi Kebangsaan Malaysia Bhd (Angkasa) menyasarkan pelancaran portal e-Dagang terbaru, Shopeeera seawal 7 April ini akan dapat memperkasakan perniagaan koperasi secara online di rantau ASEAN.

Naib Presiden Angkasa, Mutadho Bahri berkata, Shopeeera perlu dikedepankan segera dan bersaing dengan peneraju pasaran online yang telah lama berkembang.

"Angkasa selaku pengerusi

Organisasi Koperasi ASEAN/ ASEAN Cooperative Organisation (ACO) akan menyokong usaha Shopeeera dengan meletakkan anak syarikatnya MyAngkasa Holdings Sdn. Bhd. (MyAngkasa) sebagai pengurus portal," katanya.



Beliau berkata demikian pada majlis pemeteraian memorandum persefahaman (MoU) antara ACO, MyAngkasa dan D&B Concepts Sdn. Bhd., selaku pembangun portal di sini semalam.

Turut hadir Ketua Pegawai Eksekutif MyAngkasa, Shaharuddin Mohamed dan Ketua Pegawai Eksekutif D&B, Daniel Phan.

Selain itu, Shaharuddin menerangkan, Shopeeera berpotensi kerana sebilangan daripada jumlah koperasi Malaysia yang kini berjumlah 13,000 buah pasti ingin mengambil peluang daripada pasaran ASEAN.

Sementara itu, Daniel berkata, syarikatnya mengunjurkan jualan sebanyak RM3 juta sebulan daripada 2,000 peniaga online Shopeeera bermula tiga bulan selepas dilancarkan secara rasmi.

*Perpustakaan Koperasi  
Malaysia*